

太上黃籙齋儀卷之四

宥四

唐廣成先生杜光庭集

第二日清旦行道

各禮師存念如法

五星虛映 煥景神庭 包羅無象
 合炁羣靈 潛形杳默 周遊五經
 揚威耀日 役使甲丁 却妖除禍
 滌穢消氛 萬魔恐怖 龍虎飛奔
 紫雲交覆 萬炁齊并

鳴法鼓二十四通

无上三天玄元始三炁太上老君召出等
 身中三五功曹左右官使者侍香金童傳
 言玉女五帝直符直日香官各三十六人出
 當召某處土地里域真官正神速出關奏
 今正爾燒香奉為某乙為國為家修置无上
 盟真黃籙大齋若干日夜以今昇壇行道願
 得太上十方正真生炁降流等身中所啓
 速達徑御
 至真无極大道玉皇上帝御前

各稱法位

上清玄都弟子 某等謹同誠上啓
 虛无自然元始天尊无極大道太上大道君
 大聖祖高上大道金闕玄元天皇大帝太上
 老君高上玉皇十方已得道大聖衆至真諸
 君丈人三十六天帝君五虛上帝玉帝大帝
 東華南極西靈北真玄都玉京金闕七寶玄
 臺紫微上宮靈寶至真明皇道君三十六部
 尊經玄中大法師太平下教二十四真人東
 嶽上卿司命真君西極總真玉君名山洞府
 得道神仙三界應感一切真靈等積生運
 會萬劫津梁獲遇至真叨聞大道佩九天之
 秘簡列品上清奉三洞之寶經刻名東極未
 能洗心虛白隱迹巖巖順俗和光沉浮陸海
 上違真訓旁犯明科尚以受法之辰告盟三
 界約誓濟物佐國立功凡有所陳理宜關奏
 今奉詞旨敢具上聞

讀詞

按如詞言義深修奉仰惟國家夙君親將
 酬莫大之恩是託重玄之教按明真品格修

黃籙典章鎮龍綵於玄壇散香花於紫府
 等遵依經旨整肅法流潔念澄神奉修齋直
 以今清旦行道運茲
 初檢上香歸身歸神歸命
 太上三尊願以是功德上資宗統列聖杜稷

尊靈證品九清垂休萬國
 皇帝光延鳳曆克固龍圖布正朔於九圍混
 車書於八極外藩內屏德化昭融百揆庶寮
 徽華顯著三光朗晏二象和寧谷隱巖棲師
 尊父母六通早備萬行速圓今故燒香歸依
 師尊大聖衆至真之德得道之後昇入无形
 與道合真

以今清旦行道運茲二檢上香歸身歸神歸命
 大道等首體投地歸命
 太上尊經願以是功德奉福某家九玄七祖
 億劫神儀釋罪黑書昇神丹霍三仙保度超
 離幽夜之庭五帝證明徑入清涼之境今故
 燒香歸依
 師尊大聖衆至真之德得道之後昇入无形
 與道合真

以今清且行道運茲三捨上香歸身歸神歸命
大道臣等首體投地歸命

太上三尊願以是功德歸流某家六姻眷屬

九族親緣福樹長春德星永曜神尊俯鑒消

歷劫之罪因聖力旁資解無邊之厄運靈丹

密祐至道潛符偏及羣生洎諸六趣幽泉離

苦長夜開光蠢動飛沉普霑鴻福今故燒香

歸依

師尊大聖眾至真之德得道之後昇入无形

與道合真

禮方

懺悔

步虛

俯仰存太上 華景秀丹田 左顧提籙保

右盼撈結璘 六度冠梵行 道德隨日所

宿命積福應 聞經若至親 天挺超世才

樂誦希微篇 冲虛太和炁 吐納流霞精

胎息靜百關 寥寥究三篇 泥丸洞明景

遠成金華仙 魔王敬受事 故能朝詣天

皆從齋戒起 累功結宿緣 飛行凌太虛

提擲高上人

三啓 三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

上清玄都弟子臣某等謹重誠上啓

太上无極大道元始天尊太上大道君太上

老君三十六部尊經玄中大法師十方三界

名山洞府一切真靈臣聞大道先天至真寥

邈權輿造化陶鑄陰陽凝神則冥寂冲虛應

用則牢籠廣大三官五帝九府四司奉玄化

以生成稟神科而者按吉凶罪福纖芥無遺

齋主某以凝氣初天積因浩劫承自然之運

荷造化之功仰慮九世七玄億曾萬祖陶形

既久積過亦深泊于己身親如眷屬上從無

始下及茲辰所結過尤無邊無量存亡負犯

生死愆違宿對苦根未蒙除蕩今依飛天神
人說罪福緣對披度品文備金龍紋繒香花
法信澡心鍊行崇設道場懺謝玄真拔贖罪
咎伏冀

天尊慈祐

大聖垂光勅勒地司開度魂爽出長夜之府
離九幽之中冠帶天儀毀絕鬼錄超昇幽界
沐浴靈津得上天堂逍遙之境斷絕殃注福

利見存某家內外親緣同霽景祐災凶殄息

善瑞常臻

大道降靈

諸天垂祐百邪不起衆惡靡加國祚延洪帝

圖廣大聖躬躬納脫四海宅心天度朗清神風

靜默五兵偃戢萬姓樂康穀稼有年寰瀛無

事飛沉遂性幽夜光明徧及十方遐周三界

普天全濟一切蒙恩上明

天尊大聖之澤下副臣等歸命之誠謹啓以

聞

發念

一念為道四大合德齋主七世父母免墮憂

苦上昇天堂衣食自然

二念帝王國主道化興隆庠序濟濟皇教恢

弘威儀翼翼普天所瞻民稱太平四夷賓

伏妖惡自滅聖賢日生

三念法師功德大建教化明達俱獲飛仙

四念同志學人早得仙道更相開度

五念九親和睦好尚仁義貴道賤財行為物

範

六念損己布施道士及飢寒者天下人民各

得其所

七念蠕動跂行一切衆生成蒙成就

八念救貧前生今世罪對立功補過

九念家國隆盛宗廟有人世生賢才

十念專受經師不敢中怠平等一心廣度剋

獲上仙白日登天拜見太上未成人雲

車羽駕和與道合具

復爐

香官使者左右龍虎君侍香諸靈官當令

行道之所自然生金液丹碧芝英百靈衆真

交會在此香火洞案爐前令臣學道得道求

仙得仙十方仙童玉女侍衛香煙傳奏臣向
來所啓徑達

至真無極大道三清上聖玉皇上帝御前

出戶

太上黃籙齋儀卷之四

正一天師清微弟子 洪百堅 製作

道教學術資訊網站

太上黃籙齋儀卷之五

有廣成先生杜光庭集

第二日中分行道

入戶

各禮師存念如法

衛靈

黃中策杰 斬穢妖宗 遏絕邪源

制斷魔蹤 太上符命 召制神功

萬靈斯格 却禍除凶 王炁三輪

洞運真風 紫戶含瓊 大度無終

左命青腰 右攝芝童 道遠颺景

總御九空 玄壇應機 乘炁虛冲

蕩真普降 濟度無窮

鳴法鼓二十四通

无上三天玄元始三炁太上老君召出臣等

身中三五功曹左右官使者左右捧香驪龍

騎吏侍香金童傳言玉女五帝直符直日香

官各三十六人出當召此間土地里域真官

正神速出嚴裝關啓臣今正爾燒香奉為其

官某乙為國為家奉修无上黃籙大齋若干